

之捐俸四十以倡時有未逮金雖存而事旋
寢踵而行之可乎余曰諾子之言余之心也
子曷任之生亦曰諾余薄宦也靈瘠邑也今
視事之堂猶編茅以蔽風雨余恬然安之而
顧于此不敢不勉凡以云教也於是向之忤
忤動者今且欣欣喜矣無何利生逝又幾幾
欲寢余思天下事當爲者不可不爲爲之不
可不成使蹶然而止前之忤忤者何心欣欣
者又何心遂益加勉焉頃厥囊選厥材庀厥

工遴衿士之賢能者陳爾進甯廷彬霍廷瑜
鍾宏等董厥事不期月而若殿若廡若門後
則若啟聖宮旁則若名宦鄉賢各祠規制畧
備外築以繚垣旣周且固增以屏牆亦煥以
高雖因也而實創焉然而懼其久而易頽也
查下甲鄉五冬有在官之田民米一石官米
五斗九升二合二共每年載租一千二百五
十一斗七升可爲歲修之費謹撥入學毋致
侵蝕毋致冒破量歲之豐歉視工之大小咸

登諸冊俾有所稽考則其事乃可以久余竊
有進者夫斯道之傳也堯舜植其基禹湯開
其戶文武造其室至仲尼而集其成今日靈
之士望夫子之門墻升降揖讓於堂廡之下
瞻其基而得其根柢焉窺其戶而得其廣大
焉是卽所以教之也夫勸學修禮崇化薦賢
以風一邑宰之職也余不敢曠於是乎書

孝子趙德仁墓誌

李培仁

靈邑令
遼陽人

德仁者趙氏孤兒浙江蕭山縣人其父則子

揚也其家世生平予固不得而詳考矣而沒此之由則有可得而據者聞德仁之方娠也父卽遠離二十餘年行踪靡定存亡未知及德仁已長念樹北之寡依爰陟岵以抱痛不辭跋涉遍訪天涯至於南粵見獲父骸伶仃孤苦亟負以歸康熙五十四年十月道經靈山陸屋竟病卒於天妃廟村民目擊矜憫乃得與其父骸俱葬於陸屋埠之後岡越二年浙商周祖鎮鄒雍周嘉樂等爲憶萍踪不忘

梓誼又恐其墓之易圯而嘉其志之可悲也
因請表其行於前任提憲土公未果獲遊擊
中軍白公查核已確復請於署提汪公旋命
廉營遊府田公移會本郡中憲施公而屬其
事於予予謂曠塚荒城由人之所感爲死捐
生世人之所難也表彰至行君子之所爲也
况文武列憲念切揚芳予敢不仰體仁心共
勦義舉於是旣誌其事且繫以詩曰嗚呼德
仁孝自天真孤行萬里備歷艱辛生違父面

死載父骨胡天不弔忽焉俱沒揆死之故見
父情傷煢煢孤立凍餒風霜當其遠尋奮不
顧身今能同穴想亦甘心緬彼曹娥循江抱
屍嗚呼德仁志可與齊惟茲列憲敬命留題
予守此土能無愴悽乃召捕員俾勒於阡用
慰爾魄世有攸傳

重修龍津橋記

粵稽徒杠輿梁之設王政修舉有時蓋農事
甫畢令民以治田之畚揭每夫公旬三日刻

期告成以免病涉至杠梁之必需磚石者費
冗工繁若槩責公旬不但不能速成勢必至
于擾民矣我

郡伯徐公祖愛民如子凡有興作首持擾民之
戒不獨一橋爲然也東郭之龍津橋向係石
砌長虹乃一郡來龍之所三廉之文明富庶
實嘉賴之日久傾圯公下車卽欲修葺緣
文廟義學城垣以及郡乘諸大政次第行其
所先而非後也壬寅春王正月獨捐清俸鳩

工庀材親臨省試匝月而告竣較杠梁之歲
修者其成尤速焉行見合郡之文明富庶視
昔有加羣指斯橋爲召伯之棠此天籟之鳴
非好諛之口也昔王周見橋壞覆民租車周
曰橋梁不修刺史之過乃償民粟而治橋後
世傳爲盛舉茲公修橋以培龍脉事鉅於
償粟而功大於不覆車是何可以無紀公
諱成棟字翊蒼號石虹金州人康熙壬寅仲
春郡人馮朝紳李廷相張琮曾文瀚等勒石

非獨靈應如神靈在廟姑王靈祐苦之曰乃
王式縣志報休斯意衆歎其悲澤至休寫景
登高嶺望嶺豈安和護霜若歸野無關葉同頌
回音靈顯志極標宜其氣被未全銷越案嶺翠
無消息西海靈山木靈映靈人靈社會靈靈全開
戎皆稱侍中靈山木靈映靈人靈社會靈靈全開
聖朝同賦靈風報事吹三陽嘉禾紅靈靈五
靈靈靈靈靈靈靈靈靈靈靈靈靈靈靈靈靈靈
靈靈靈靈靈靈靈靈靈靈靈靈靈靈靈靈靈靈

廉州府志卷之十三

知廉州府事紀錄十次裴平徐成棟纂修

同知廉州府事加三級嘉禾孫燾校正

合浦縣知縣現奉行取高陽韓三異全閱

欽州知州遼陽董紹美全閱

合浦縣知縣遼陽鈕廷彩全閱

靈山縣知縣沈丘唐開運全閱

詩賦志

登高能賦豈吟詠豔語哉體要無關義何取

于冗襍感時有慨意弗嫌其悲歌至於寫景

非屬謾遊騷雅饒有韻致正慮荒苔之汨沒